

Das Kreuz mit den Muttern

.....oder wie ein Hüttenwirt, ein Mechaniker und ein Bergretter ein Kreuz befestigen

Eigentlich is des a blede Gschicht,

do wo uns freili jeder glei ausricht.

Obwoimas koam verzoin wollten, vor lauter Zorn,

ghört die Gschicht oafach zum Kreiz am Kuchelhorn.

Beim Blick vo da Hütt'n aufs Kuchelhorn,

war schnoi die Idee vom Gipfekreiz geboren.

Ja freili war do a Kreiz recht schee,

weil d`Leit ja gern aufs Kuchelhorn geh,

und die meisten hom dann recht a Freid,

am Kreiz zum Hocka, bei einer feinen Brotzeit.

Gsagt und do in der Winterszeit,

fui Freinderl warn zur Hilf bereit,

entstand scho bald aus feinem Edelstahl

a Gipfekreiz des blitzt ins Tal.

Feierlich mit Musi, Mess und fui Freid,

ward im Sommer glei des Kreiz eigweiht.

Um danoch per Heli auf Kuchlhorn zum fliegen,

.....und do bliebs erstmoi liegen.

Der Michi, Sepp und der Wiff voran,

machan glei an Aufstellplan.

Akkubohrer, Flex, Beton und Kleber

Ois dabei.....mia san ja net die Bleder

Geht's glei ohne zu dischkrieren

Nauf zum Sockelbetoniern.

Sauber.....hom sich die drei dann dacht

Und beim Bergabstieg no fleissig glacht.

In a paar Tag werns oi dann seng

Wird des Kreiz am Gipfi stehn.

Mit a paar Muttern in da Hosentaschn
Sans dann wieder aufikraxelt.....die 3 Flaschen.
Sappra, Zefix hot dann der Hüttenwirt da Michi gfluacht
Und mit gwoit sich an de Gwindstangamuttern versucht.
Ja bist du für a Depp
Plärrt glei da Herzog Sepp,
und a da Wiff schüttelt mit dem Kopf
und da Michi schamt sich der arme Tropf.
Oiso nix wars heit
.....aber nächstes mal.....do samma gscheit.
Oiso geht's in a paar Tag wieder nauf aufs Kuchlhorn,
die Vorfleid aufs Kreiz war enorm,
in der Taschn wias solls sei,
die „richtigen“ Muttern dabei.....
glei macht sich der Wiff ans Mutternschrauben
.....und kann es net glauben
Hot ER nun die foischen Muttern mit dabei
Und schimpft „sappralot verreck i glei“
Der Michi lacht ganz insgeheim
Is er als Depp nun net allein.
Ohne Worte geht's dann zur Hüttn
Um glei do drauf a Schnapserl zu kippn.
Der Wiff und Michi konnten nicht mehr schlafen
Vorm Schnee werma des mitm Kreiz doch no schaffen?
Oiso packts dem Wiff an seiner Ehr
Und er kimmt mit neie Muttern übern Wuiderersteig daher.
Heimlich und allein man kanns nicht glauben
Probiert er dann die passenden Mutterschrauben.
Mit Trompetenklang und a mords Freid,
hom da Wiff und Michi dann des Kreiz eingweiht,
Es war glei aufgestellt und fest verschraubt

Mit de richtigen Muttern wenn mans auch nicht glaubt.

So jetzt wissts die ganze Gschicht vom Kuchlhorn,

wie des Gipflkreiz dort wart geboren.

Und kemmts no gsund ins Tal zurück

Und drahts eich nomoi um zum Gipfblick.

Michi und da Wiff